

Kenderaan kurang 40,000 sejam

KUALA LUMPUR: Kesesakan lalu lintas di ibu kota dijangka dapat diatasi menerusi pembinaan projek pengangkutan Aliran Transit Massa (MRT) yang dijangka siap sepenuhnya menjelang 2020.

Pengarah Komunikasi Strategik dan Perhubungan Awam Mass Rapid Transit Corporation Sdn Bhd (MRT Corp), Amir Mahmood Razak berkata, sebanyak 40,000 kenderaan dapat dikurangkan dalam tempoh sejam menerusi kemudahan MRT yang berupaya membawa 20,000 penumpang.

“MRT memberikan potensi cukup besar dan alternatif terbaik kepada pengguna. Adanya MRT, pengangkutan lain seperti Transit Aliran Ringan (LRT), Monorel, KTM Komuter dan bas berjalan lancar,” katanya pada majlis Aidilfitri MRT Corp di sini, semalam.